

欽定四庫全書

子部

世醫得效方卷十六



南京中医药大学图书馆版权所有

欽定四庫全書

世醫得效方卷十六

眼科

總論

元 危亦林 撰

人有雙眸如天之有兩曜乃一身之至寶聚五臟之精華其五輪者應五行八廓者象八卦凡所患者或因生食五辛多啖炙煇熱滄麪食飲酒不已房室無節極目


遠視數看日月頻視星火夜讀細書月下觀書抄寫多年彫鏤細作博奕不休久處煙火泣淚過多刺頭出血多若此者俱喪明之本復有馳騁田獵衝冒塵沙日夜不息者亦傷目之媒又於少壯之時不自保惜逮至四十以漸昏蒙故善衛養者纔至中年無事常須瞑目勿使他視非有要事忽宜輒開則雖老而視不衰大抵榮衛順則斯疾無由而生榮衛衰則致病多矣且傷風冷則淚出虛煩則昏蒙勞力則背赤白腫則脾家受毒生

瘡則風熱侵肺黃乃酒傷於脾血灌瞳人及赤色俱是
心家有熱羞明見紅花為午令黑花則腎虛青花膽有
寒五色花為腎虛兼熱不可一槩為治若虛不補而實
不瀉亦難收效然上虛乃肝虛下虛乃腎虛肝虛則頭
暈耳聾目眩腎虛則虛壅生花耳作蟬鳴大宜補肝益
腎其有熱淚交流兩臉赤痛乃肝之極熱迎風有淚為
腎虛客熱涼肝瀉腎必得其宜至於五臟各以類推虛
則生寒實則生熱補瀉之用須在叅詳毫釐之差千里

之謬餘則無非有所觸動或大病之後所患不一至如
暴赤一證多因泛熱衝上或眠食失時飽食近火得之
加以勞役失於調攝過食毒物變成惡證醫者不原本
始但知暴赤屬陽或以散血之劑或以涼心之藥縱使
退散遂致脾經受寒飲食不進頭目虛浮五臟既虛因
成內障亦有見其不進飲食俾更服熱藥遂致三焦暴
燥熱氣上攻昏澁眵淚或犯盛怒辛苦重勞遂生弩肉
心氣不寧風熱交併變為攀睛證狀不一是為外障又

若讀書博奕等過度而致疾者名曰肝勞不可但投以
治肝之劑及作他證治之卒於莫效惟須閉目珍護不
極遠視庶乎可瘳若夫患風疹者必多眼暗先攻其風
則暗自去婦人胎前產后用藥亦須避忌小兒所患切
宜慎治惟畧加淋洗披鑢針灸端不可施猶須戒其用
手頻揉或因茲睛破至於莫救以上諸證專是科者宜
留意焉

五輪之圖



白属肺

氣之精氣輪

黑属肝

筋之精風輪

上下脣属脾胃肉之精肉輪

大小背属心 血之精血輪

瞳仁属腎 骨之精水輪

風輪病因喜怒不常作勞用心晝凝視遠物夜勤讀細書眼力既勞風輪內損其候背頭尤澁睛內偏疼視物不明胞胲緊急宜去風藥

血輪病因憂愁思慮悲喜煩勞內動於心外攻於目其候赤筋纏背白障侵睛胞腫難開昏暮多澁日久不治失明愈深宜洗心涼血藥


肉輪病因多食熱物好喫五辛遠道奔馳駐睛驟騎食飽耽眠積風痰壅其候胞胲赤腫暴赤昏蒙眼淚常

盈倒睫澁痛瘀血侵睛宜服醒脾藥

氣輪病因凌寒冒暑吸飲寒漿肌體虛疎寒邪入內或
痛或昏傳在白睛筋多腫赤視日如隔霧觀物生煙
日久不治變成白膜黑暗難開

水輪病因勞役不止嗜慾無厭大驚傷神大怒傷志加
之多食酒麪好啖鹹辛因動腎經通於黑水冷淚鎮
流於臉上飛蠅相趁於睛前積聚風虛或澁或痒結
成翳障多暗多昏宜補腎藥

八廓之圖



天廓

傳道

肺大腸

地廓

水谷

脾胃

火廓

抱陽

心命門

水廓

會陰

腎

風廓

養化

肝

雷廓

闕泉

小腸

山廓

清淨

膽

澤廓

津液

膀胱

天廓病因雲中射鴈月下看書多食腥膻侵冒寒者致
目廓有病內動視物生煙背疼難開不能辨認

地廓病因濕漬頭上冷灌睛眸致令有病眼眩緊急癢
血生瘡

火廓病因心神恐怖赤脉侵背血灌瞳人熱淚如傾其
證瞼頭紅肺睛內偏疼熱淚難開

水廓病因大勞努力爭鬪擊棒開弓驟騎強力致令生
病常多暗二睛眩淚多

風廓病因枕邊牕穴有風不能遮閉坐卧當之腦中邪風攻於風廓以致黑睛多痒兩瞼常爛或昏多淚

雷廓病因失枕睡卧酒後行房血脉溢滿精宣閉滯風虛內聚上攻故令背頭赤腫瞼内生瘡倒睫拳毛遮睛

山廓病因撞刺磕損致令肉生兩瞼翳閉雙睛若不早治永沉昏暗瘀血侵睛

澤廓病因春不宣解冬聚陽毒多喫脂肥過飧熱物致

令腦脂凝聚血淚攻潮有如霧籠復見飛蜂繚繞黑
花常滿難於瞻視

七十二證方

內障

圓翳第一

圓翳者黑珠上一點圓日中見之差小陰處見之則大
或明或暗視物不明醫者不曉以冷藥治之轉見黑花
此因肝腎氣虛而得也宜服後藥

地黄湯

熟地黄

白茯苓

去皮

家菊

細辛

各半兩

芍藥

三分

柏子仁

一分

甘草

半錢炙

防風

一分

北柴胡

一兩去藟

右劉散每服三錢水一盞半煎食后服

補腎圓

巴戟

去心

山藥

破故紙

炒

茴香

牡丹皮

各半兩

肉蓯蓉

一兩酒浸

枸杞子

一兩

青鹽

一分后入

右為末煉蜜圓梧桐子大每服三十圓空心鹽湯下

冰翳第二

冰翳者如冰凍堅實傍觀目透於瞳人內陰處及日中看之其形一同疼而淚出此因膽氣盛遂使攻於肝而得之宜服後藥

通肝散

山梔子

蒺藜炒去尖

枳殼去白

荆芥各半兩

車前子

牛蒡子

各一分炒

甘草

五錢炙

右為末每服二錢苦竹葉湯調食後服

滑翳第三

滑翳有如水銀珠子但微含黃色不疼不痛無淚遮繞

澁翳第四

澁翳微如赤色或聚或開兩傍微光瞳人上如凝脂色
時復澁痛而无淚出

散翳第五

散翳形如鱗點或瞼下起粟子而爛日夜痛楚瞳仁最

疼常下熱淚

前件三訂並是肝肺相傳停留風熱宜服

八味還睛散

白蒺藜

炒去夫

防風

粉草

炙

木賊

山梔

炒去設各半兩

草決明

一兩炒

青箱子

一分微炒

蟬退

一分

右為末麥門冬去心煎湯食後調下

橫開翳第六

此證上橫如劒脊下面微白甚薄不赤不痛病此希少